



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 13		Ramhlun North: Ni 29 March, 2025	
 BRANCH THU THAR ■ Central YMA Football: LBS Suzuki 22nd Inter Branch YMA Football Tournamnet, 2025-ah kan branch chu chhuah ve ni se tih a ni a, he tournament-a tel duh te Pu Malsawmthara (8787701952), K-Sec. hnenah inhriattir tur a ni e. Tel tur chu kan veng mi, kan YMA member a ngei an ni tur a ni a, Voter’s ID nei chuan Voter’s ID xerox copy leh passport size photo copy 2 ken tur a ni a, kum tling lo tan Adhaar Card ken tur a ni ang. Tournament hi May thlaa tan tur a ni ang. ■ Memorial Park, Seling-a kan tuizem chu mi tu tih hriat loh ten an lo sat keh nual mai a, tun kar khan kan branch hruaitu thenkhat ten an han siam tha. ■ PEM LEHKHA: Pem lehkhane nei lova rawn insawn thar kan awm leh ta nual mai. In neituten lo ngai pawimawh hram hram turin kan inngen nawn leh a ni. Tin, Section hruaitute pawhin mahni section huam chhunga rawn insawn thar te lo ngaihven tha turin kan inchah nawn leh e. ■ Kan vengchhung mi 2 te hnen atangin ganja thahnem tak man a ni a, thu neitute kutah hlan a ni.		FAINA HNATLANG NEIH A NI <i>(Mi 695 thawk chhuak)</i> Ramhlun North, the 29th March, 2025: Tukin ni 29.3.25 (Inrinni) zing dar 7:00 khan Local Council khaihruaina in veng pum huap Faina hnatlang neih a ni a. Chhungtin atangin 1 theuh thawk chhuak tura beisei kan ni. Thawk chhuak thei lote hnatlang phatna Rs 100/- a ni a, engmah sawi lo runna Rs. 200/- a ni dawn a ni. Heng hmunah te hian inngahkhawm niin hnatlang thawk chhuak zat leh pha zat hetiang hi a ni- 1. Vanapa Section - Industry Peng (Hnatlang zat - 129, Pha-92) 2. Taitekena Section - Zangena Filling Station (Hnatlang zat - 112, Pha-74) 3. Chawngbawla Section - RSC Field (Hnatlang zat - 134, Pha-62) 4. Neuva Section - Pu Lalbiakdawla kawt (Hnatlang zat - 65, Pha-38) 5. Khuangchera Section - Ramhlun East Biak In kawt (Hnatlang zat - 140, Pha-43) 6. Saizahawla Section - Chawngbawla Run kawt (Hnatlang zat - 115, Pha-65) Hnatlangah hian vengchhung kawr leh kopang te leh Thlanmual te thenfai a ni a. Tin, hnatlang te bawlhhlawh chhek khawm te hi hlauh faten motor -in an paih nghal baw a ni. Hnatlanga thawk chhuak zawng zawng te chungah Local Council chuan lawmthu a sawi a ni. Fur lo thlen huna kan buai loh nan chhungtin te kan bawlhhlawh te bawlhhlawh paih motor-ah paih thin tur leh kan tuihawk luan kawr te bawlhhlawh paih nan hman lo turin kan inngen nawn leh a. Kan in leh a vel te felfai taka enkawl turin kan inchah a ni.			
 SUB.COMT THU THAR ■ Library Sub Committee: Pu Lalrammawia Ngente chuan kan YMA Library-a dah turin a lehkhazuiah hrang hrang te a rawn donate-a. A chungah lawmthu hruaituten an sawi e. Tin, vaviin hian committee member-te Library Room, Chawngbawl Runah an hnatlang. ■ Thlanmual Sub Committee: Thlanmual Sub Committee te chuan tunlai hian Ramhlun North Thlanmual, Zemabawk mawng lam Turial lam pang min hlauhawm laiah lung an rem mek.		FIMKHUR THLA APRIL AH HMANG DAWN YMA Rorel inkhawm Ni 24.10. 2024-a R Dengthuama Hall a neih chuan, ram pumah Furpui lo thleng tur chhiatna laka kan lo him theih nan, Fimkhurna Hapta/thla neih nise a tih chu, CEC bawhzui turin a dah a. CEC chuan hemi chung chang hi bawhzuiin ni Ni 25.11. 2024 zan dar 7-a thukhawm chuan FIMKHUR THLA hman nise, a tul ang te lo buaipui leh ruahmanna lo siam turin, Disaster Management Sub Committee a ruat a, hemi bawhzui hian Ni 28.03.3025 (Zirtawpni) zan dar 7:00 khan Central YMA Hall, Tuikhuahtlangah Central YMA hmalaknain Fimkhur Thla hawnna neih a ni a. He hun hi Pu Fabian Lalfakawma, Asst. Secretary-in a kaihuai a, Tv Zochhuana, CEC in hunserh a hman. Pu Lalhmachhuana, President in hawnna hun hmangin fur lo thleng turah mitin te kan fimkhur a ngaih thu leh tanrual a ngaih thu a sawi. Prof. Malsawmliana, Gen. Secretary hnen atangin inhmelhriattirna leh report ngaihthlak chhunzawm niin Dr. Lalrokimi Chenkual, Dy. Director, DM &R hnen atangin thusawi ngaihthlak a ni baw. Dr. Lalrokimi Chenkual chuan Mizorama chhiatna lo thleng thin thenkhat chu keimahni insiamchawp a nihna lai a awm a. Kan in leh lo din kawngah mitin te kan fimkhur zual a ngai a; kan taksa leh inchhung khur kan ngai pawimawh ang bawkin kan chhehvel leilung kan duat thiam a pawimawh thu uar takin a sawi. He hunah hian kalkhawmte Central YMA Zaipawl ten zaiin an awi a ni. He hunah hian Pu Lalrochama kan Vice President, Central YMA Disaster Mangement Sub-Committee Secretary ni baw hnen atangin report ngaihthlak a ni. Pu Rorelliana kan Treasurer, Central Disaster Response Team member ni baw chu a tel ve a ni.			



Lungawi thiamna

Thawhrimna tel lo hausakna chu a chhungril a ngê̄t fo va, hausak thut duhna thinlung hian duhâmna kawng dik lo min zawh tir fo. Hausakna hi sum leh paiah ngawt a innghat lova rilru put hman̄g dik aṯā̄nga in ṯan a ni zawk.

Sum leh pai ngah zawng zawng an hlim kher lo va, a ngah lo pawh an hlim kher chuang lo, neih taw̄k apiang lungawi pui a, a lungawina hma lam pan pui duhna thinlung nei tlat te hi rilru hausa, sum leh pai aia hlu zawk neitu te an ni.

Hmasawn tum lo hringmi chu a rilru a piang sual tihna a ni, lungawina pawh hi a hnung taw̄lh pui theih a, chu chu thil ṯha lo tak a ni, lungawina hi ṯhut pui veng veng tur a ni lo va, hmalam pan tura min ti chaktu atana hman zawk tur a ni.

Hringnun hi zir tawp awm lo zirlai a khat a ni a, chu chu kan zir thiam theih nan kan chungah thil hrang hrang a thleng ṯhin, a hun tawn hmanga in zir chhuak ṯhinte hi hringnun chhiar thiamte chu an ni mai.

Duh neih hi sual a ni ngawt lo va, kan duh zawng nei tura kan chet chhuahna kawngah erawh sual thurualpui a awl fo va, chuvangin kan duh zawng zawng neih tum kher loh hi a finthlak zawk.

He khawvela hring kan chan chhung chuan nilengin hna kan thawk anga, inah haw in, ṯhut hahdam paha ngaihtuahna seng chungin kan hma hun thui tak chhui in rilru kan kawm a, mi pangngai rilru ah chuan hahdamna ai mahin engtin nge kan khawsak ang ti reng rengin a in sawr bing ṯhin. Chutiang thinlung neitu chu, rilru hrisel zia a ni.

Chuti chuan, lungkham nei lo turin infuih ila, neih chhuna lungawi turin kan rilru ti paukhauh ta ila. Hausakna hi sumah ni lovin hringnun kalsiamah a innghat zawk, a ni tih hi kan inhrilh nawn áwn áwn tur a ni zawk dawn lo'm ni?

Mihring duhna hian tawp in tai a nei lo, an ti ṯhin. A dik a ni, neih tam hian duhâmna a tireh chuang lova, engkima lungawi thiam hi a pawimawh ber zawk chu a ni.



KHAWTHLIR

KHAWHAI DIL

Khawhai Dil hian chanchin ngaihnawm tak sawi tur chu a nei lo. Mahse, Mizorama dil hmingthangte ânga lo pian chhuah dan thawnthu mak pui pui leh khuarel chhiat rupna thleng avânga lo insiam chawp emaw zoram luah hmasatute mi chak pui puite laih khuar emaw pawh a ni lo. Mahse, a hlutna leh a makna erawh chu sawi tur a awm ve a ni.

Khawhai Dil makna pakhat chu tlang sang leh khaw lai taka hetiang dil zau leh hlu a awm ringawt hi a ni. Tin, a hnar tui luan luhna ṯha leh lui kawr awm lova, mawi taka a awm hi a makna a ni baw̄k. Chu lovah chuan a tui hi a tui (taste) bik hi a mak lehna a ni. Chu bakah, a bul vel tlang thawveng nuam tak, zoram khaw tam tak lan theihna a awm te, phul rai nuam tak te, hmun danga thei vâng tak - sarzuk, keifang leh hruk (chalthei) a awmte hian Khawhai tlânga Dil awm chu a inhmēh tir em em a. Tin, ṯhal laia phul pangpar (Khawhai par) an vul chuk mai te chuan, Dil chu a tihmuhnawm zual baw̄k a ni.

He dil hi Khawhai tlâng sang bul maiah, tlâng bâwk te tak te te pathum, lungthu ânga awm, karcheha awm a ni a. Tun hma chuan a kam vel hi thei chi khat Keifang buk pui pui leh thei chi hrang hrang te awmna a ni. A hnar sawi tur a awm lova, a luan chhuahna tur chhim lam leh hmar lamah a awm a, hmar lam hi khawchhung lam a nih avângin a tui luang chhuak chakna hmangin Tuibuhdeng khawl an siam ṯhin. A hnar lama tuiin a chim bak hi infiamna hmun playground atan hman a ni a, chumi chhak lehah chuan dil te deuh zawk, sangha dil a awm baw̄k.

He Dil bula khua an kai hma hian ransate leh savate tana hmun nuam a lo ni ngei ang. Tumpangchal, khaw chhak lam



aṯā̄nga lokal ni ngeia ngaih pawh helai hmunah hian a cham a, ram dang kal zai reng a rel tawh lo a ni. Tichuan, chu tumpang chuan Khawhai Tlângah chuan bu a khuar a, a lo kalna lamah a awm reng lova, arawn pan vang vang a ni tih a lang.

Khua an awm chilh hma-a dil awm dan hi hre tam lem lo mah ila, tuna a awm dan nen hian a danglam awm love. A hnar lam aṯā̄ngin a ârh a, chhim lam leh hmar lamah a ârh zau tial tial a, a mawng lam

chuan khaw chhak lam a hawi thung. Khawhak luah a nih aṯā̄ngin an khuap ta a. Chutih lai chuan tunlai ânga cement leh hmanraw ṯha-a khuah ni hek lo le, thingtuai in an hung a, a inkarah lei an chhung vum mai a, furpui a lo thleng a, van ruahtui a dawn khawl tam avâng chuan an khuahna tlangpui chu a sah/ chim ta a, chu chu an khuap ṯha leh ta a ni.

Tichuan, hun a lokal zel a, kum 1960 vel khan

khaw chhunga motor kawng sial luh a nih avângin, Dil kotlang maiah chuan motor kal theih tura kawng sial a ni ta a. A khuahna pawh chu lungrema tih ṯat a ni a. Chumi hnua h kum 1995 khan sawrkar sum hmanga khuah ṯat leh niin a hma aia thuk zawka khuah a ni a. A chhak lawka infiamna hmun ni ṯhin pawh chu tuiin a chim tak avângin a dil chim chin chu a lo zau ta hle a ni. A thui zawng (East to West) hi a chim tam lai berin Mt.250 vel a ni a, a vâng (North to South) a kiar lai berah Mt.80 vel a ni. A thuk lam hi ṯhal laiin ft 5 vel a ni a, tui tam lai berin ft 12 vel a ni.

AADHAAR

Enrollment Centre kan ni ta e.
Vengchhung leh veng hnai leh a duh apiang tan Aadhaar update, Phone link leh aadhaar la nei lo tan kan siam thei e.
CSC Ramhlun North (ESTAR)
Opposite Nazareth Hospital
Er. Zosangliana Building, Zote Arcade
3rd floor Phone: 8731875084 / 7005421131

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalnuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lalhlupua, Hmingthanazuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA

PHEK 3-NA

RN YMA CHANCHINBU

DAMLO

■ Pi Zirtluangi w/o Pu Rorelliana S-Sec. chu Durtlang Hospital atangin dam takin a lo chhuak.

■ Tv. Zothankhuma s/o Mary Lallawmsangi (Cir. Manager) K-Sec. chu Civil Hospital Aizawl ah enkawl mek a ni

■ Malsawmzuala Darngawn s/o HD. Ngurhrima S-Sec. chu Kawthalo vangin LRM Hospitalah enkawl mek a ni.

■ Pi Ngurthangi, C-Sec. chu ni 24.3.2025 khan an bual inah a tlu palh a, In lamah enkawl mek a ni.

■ Pi Zonunsangi w/o Benjamin Lalduhawma, N-Sec. chu Aizawl Hospital-ah zai a ni.

■ Pu F. Vanmawia, N-Sec. chu in lamah enkawl mek a ni.

■ Pu Ralthuama, C-Sec. chu Ebenezer Hospital ah hun engemaw chen a awm hnuin in lama enkawl chhonzawm turin alo chhuak.

■ Pi Marina Ch. Ralte w/o Emanuel Lawmkima C-Sec. chu Greenwood Hospital-ah enkawl mek a ni a, ziaawm lam a pan thei meuh lo.

KOHRAN

■ **Ramhlun North Presbyterian:** Wawiin atang hian Sacrament Department te Synod Revival Camping Centre, Neihbawih ah Camping an nei a, zirlai 60 chuang leh zirtirtu 20 vel an thawk chho.

■ **Ramhlun East Presbyterian Kohhran:** Wawiin hian Pathianni Naupang Inkhawm ten Joy Futsal Ground-ah One Day Sports an nei.

LAWMAWM

■ Nl. Lalruatfeli Ralte d/o Rev. Dr. Vanlalnghaka Ralte, N-Sec. chu PC Girls ah zirtirtu hna a hmu thar.

■ Tv. Albert Lalrintluanga s/o Malsawmtluanga, T-Sec. chu Synod hnuaiah Office Assistant hna a hmu thar.

■ Nl. Lalrinzuali d/o Lalnunsiana V-Sec. pawh PC Girls zirtirtuah a tling thar.

■ Pu Vanlalchhuanga, V-Sec. chu ni 28.3.25 hian Superannuation pension in a chhuak.

■ Nl. Joice Malsawmdawngi d/o Samuel Lallawmawma, S-Sec. chu MSSU leh SYNFO buatsaih Mal Zai Intihsiak 2025-ah top 10 a thleng.

■ Tv. Lalawmpuia s/o H. Lalrinawma, C-Sec. chu MCS Mains a in ziak tling. A tlin chhoh zel theih nan duhsakna kan hlan e.

ZIN & HAW

■ Pu Lalrochama, kan Vice President chu Central Executive Committee member a nihna angin Chalfilh Group YMA Khawmpui Vawi 23-na, Khanpui-ah a han hmanpui.

■ Pu KC. Lalramluahpuia, ECM chu hna thila Champhai ah kal chu a lo haw.

■ Pu C. Lalremruata, ECM te nupa chu, a pi zawn hruiin Kolkata-ah an zin.

■ Pu Malsawmzuala Ralte, ECM te chhung Shillong-a chhungkaw pawimawh buaipuia kal chu dam takin an lo haw leh ta.

■ Pu C. Remruatfela, ECM chu hna thilah Champhai ah a zin.

■ Pu Rothuama leh Pi C. Lalchhandami, C-Sec. te nupa chu inentir turin Delhi an kal.

■ Pu K. Vanlalnghaka, K.Sec chu Sunday School Zirtirtu Training neihpui turin Lungdai Bialah a kal.

■ Pu Francis Vanlalzuala, C.Sec. hna thila Guwahati zin chu dam takin a lo haw leh ta

■ Rev. Dr. Vanlalnghaka Ralte te nupa, N-Sec. chu inentir turin Kolkata-ah an zin.

■ Pu Laltnanmawia Pachau te chhungkua leh Pi Lalduhawmi S-Sec. te chu Lungpho ah lungphunnaah an kal.

■ Dr. V. Lalmingliani leh a vahte T-Sec. chu Bangkok-ah an zin.

■ Pu Vanlalnunpuia Varte, C-Sec. chu a hna thawhna hmun Bungtlang South atangin a lo haw.

■ Pi Lalmuanpuii d/o H. Lalthanga (L) C-Sec. chu inentirin Kolkata-ah a zin.

■ Pu H. Zothansanga, T-Sec. chu chhungkaw pawimawhah buaipuiin Saitual ah a zin

■ Pi Laldinpuii w/o Pu Lalrammuanpuia Hnamte C-Sec. chu Neighrim, Shillong-ah in entir turin an kal. Pi Madini hi a fanu Lalnunhluin a kalpui.

■ Tv. Biakthansanga Zote s/o Lalmuanpuia Zote (L), V-Sec. inentira Shillong-a zin chu a lo haw leh ta.

■ Pi Zohlimi w/o Lalrampana, K-Sec. inentira Shillong-a zin chu an lo haw leh ta.

■ Pu Lalbiakthanga Hmar, C-Sec. chu chhiat tawhna avangin Phuaibuang ah zin.

■ Pi Lalsanghliri w/o HV Lalromawia V-Sec. chu Shillong-ah in entir turin a zin, a pasal leh a fapa Lalthansiana te nupa in an hrui.

■ Pu K. Zahmuaka leh Pi Rosiami, N-Sec. chhungkaw pawimawh a Kawlbem a zin chu an lo haw leh ta.

LOCAL TRAFFIC MANAGEMENT COMMITTEE HRIATTIRNA

Ramhlun North Local Traffic Management Committee leh Superintendfent of Police (Traffic) tangkawp chuan Ramhlun North mipui ke a kal te leh lirthei che vel a lo him zawk nante, chhiat rupna, Lirnghing, In kang, In chim leh Lei min te a lo thlen palh a chhanchhuahna hna chak zawk leh awlsam zawk a thawh a nih theih nan veng chhung kawngpui te a humhalh dawn a. Ni 1.05.2025 atang chuan tumahin kawngdungah lirthei leh bungrua engmah dah hnaw lo turin kanin hriattir a lirthei neitute pawhin kan lirthei te Garage-a dah vek turin kan in hriattir ani. Sorkar Office, College leh School hrang hrangte leh Motor/ Furniture Workshop neitu te pawhin kan hnathawk te leh min dawr tute lirthei kawng dung/sir ah kan dah tir tur a ni lo.

Veng/ Khaw dang atanga In leng/ Mi khual zin riak tur kan nei a nih chuan main road kawng zau laiah dah/hun tir zel tur a ni.

Mi tumah man/ cheh ngai lo turin Ramhlun North khawtlang kan in hriattira, man/ cheh ngai an lo awm a nih chuan pawisa chawi tir zel an nih dawn avangin lirthei neitu leh hmang tute thupek zawm theuh turin Ramhlun North Local Traffic Management Committee chuan kan ngen a ni.

THILDANG

■ **JAC:** Tunlai hian kan veng hmun thenkhatah zanreiah bengchheng siam kan awm thin nia thu dawn a ni a. Kan veng mi kan nih ngai chuan ti tawh lo turin kan in hriattir a ni.

Tin, JAC lam hruiatute pawh a khat tawkin zan lamah an round thin a. Midangte harsatna thlen zawnga awm lo turin kan inchah leh a ni. Rukru laka kan him zawk theih nan kan pawn light te on tlaivar turin kan inngen nawn baw k e.

■ **Insawn:** Pi Nuthangi, K-Sec. Pi Lalliankimi te inluah thin chu tun kar khan Champhaiah an pem.

■ **Insawn:** Pu R. Lalzamlova T. Sec. Pu Tinkhandala te inluah thin chu tun kar khan an mahni in Chawlhmunah an insawn.

■ Pu Zosangliana Zote, T-Sec. chu Mizoram PWD hnuaiah Class-I Contractor-ah a in register thar.

MUSIC ADMISSION OPEN

Piano

Keyboard

Guitar

Violin

Drums

Ukulele

Bamboo Flute

Recorder

Clarinet

Harmonica

HANDEL MUSIC SCHOOL

Ramhlun Venglai, Opposite Rosebud School

Contact: 9856701540 / 8132843722



ARTICLE

DELHI AIRPORT

-Khuma

N-Sec.

Thangkhat lian zet aia tam, a liam leh hnu, samhmulphah thla, thlamang lama, a tum hnihna atana, ka thlawh theihna chuang ve leh zet kha asin, ka va han tal buai nasa tak, khawvelah hian, hriat loh ngah ber te zinga mi, ka ni hrim hrim ang.

Lengpui tum hmun kha chu, inti zei takin leh, kal thang hmel pu takin, ka lut ve chut a, kum 10 leh kum hnih liam ta a, ka mitthla ang kha zawng a va ni lo si em, thlawhnaa chuang turte tan eng nge ngai, engmah hriat a lawi ka nei lo bawk.

Hmun hnihah, an lo ding tlar put mai a, tlai tawkah, hmanhmawh takin, ka chuanna tur ni a ka ngaihah chuan, ka intlar a, ka hun a thleng chiah mai chuh, nang chu saw lamah sawn aw min ti a, counter hranah min kal tir a, i va tlai em, a chuang turte saw lamah an thu khawm tawh a nia min la ti zui, Mizo tawng vek anih avangin harsatna awm lovin, ka chuanpui turte bulah chuan ka va innawr lut ve ta a.

Ka savun ipte sen, a then lai lai pawr tawh, ak chungin, thlawhna lam panin, a laihawl velah kan kal ve puat puat a, a thawh hnihna atan, thlawhnaah chuan ka chuang lut ve leh hlawl ta bawk.

Tin, heti hi a ni a, ka tih than hleih theih loh chu, chak mang khenga thlawhna tlan, a tlanachak lutuk avanga, tlan ngaihna hre tawh lo, thlawh chhuah laia, mawngza lutuk kha, tawrh avan har tak, van sang leh seol lam pan ang mai a, boruak a, hmanhmawh taka, a invawrh chho lai pawh kha tawrh a van har em, huaisenna tla chham mihring tan chuan taksa hi a ip suai suai mai a nia.

Darkar hnih leh a chanve, suanguahna tha leh tha lo, kawm chung, lei atanga hla taka khaw dur leh ruahsurna chunglam, van sanga kan thlawh hnu chuan, Delhi Airport kan tum lut ve ta hlawl mai le.

A va han ropui mep mep tehreng em, thlawhna thlawk chhuak leh, tum lut a kat nuk mai a, hawina lam apiang kha, ennawm mak leh ropui a ni ringawt mai. Thlawhna ke len zawng te, lei atanga asan dante en a, ka hawi hu hu hnu chuan, ka piah lawk a, Bus pakhata, mihring tlemte chuanna sir a, duty chuan, min lo hui lauh lauh mai a, ka chuanpuite zawng zawng khan min lo kal san duak tawh chu niin, hmanhmawh tawkin, ka va inthiat lut a, terminal building, in ropui em emah chuan, min phur lut ta a.

Tin, chu in ropui, thianghlim leh fai em em, “Jerusalem” thar tenau emaw, tih mai turah chuan, hnam tin, mi ngo, mi hang, mi eng, chi tin mai an lo kim hle bawk. Khaw’nge ka thlawhna chuanpui Mizo te kha aw, zawn ngaihna an awm tawh lo hrim hrim, ka va han bo Chiang em ve aw.

Chu in ropui takah chuan, kal kual a, mi chet dan enin, hre viau niawm takin, ka bag sen nen chuan, khawhar takin, kal chhuahna tur kawngka chu, ka zawng kual ruaia, pa pakhat, mizo hmel ang pu, hei zawng, ka mizo pui a ni em em ang tiin, mizo tawngin kan be ngawt mai a, ka thil sawi ri chu a hria, min chhanna ri pawh ka hria, mahse a awmzia, kan inhre tawn lo hrim hrim, i hmel en chuan, Pu “Val” ti a koh mai ngam chu i ni asin maw le, ti chungin ka kalsan ta a.

Tichuan, hre awm taka lang, hre mang si lo chuan, ka kal tawhna leh, kal lohna pawh, hre hrang lo chuan, ka kal kual char char a, Vaipa lianpui, dum run mai, ha var sur, thutthleng seia, thut hluang duai hi tum thum ngawt ka hmu a, ka va han bo Chiang tak, kha vaipa awmna lamah khan, ka kal tawhna leh kal lohna pawh hre lovin ka lova kual lut zel chu niin, kha pa kha, teh kualin, feet 3 leh feet 7 bial chu a nimai thei, sakhaw mumal nei lo tan chuan, biak tham zet a lian zuk nia, mumangah, ka hmu zui lo kha, vannei ka inti hle bawk.

A tawpah chuan, ka sap tawng thiam chhun, hrethiamtu ka tawng ta hlauh a, engtin tin emaw chuan, ka tum ram chu, mangang tak leh, khawhar takin, ka thleng thei hram, ka va han lawm tak em.

Aw le, a tawp berah chuan, hre mang si lo va, hre awm taka awm te, thiam mang si lova, thiam anga lan tum ve ngawt, a pawi zia leh, rilru hahna mai a ni tih, ka chhar chhuak Chiang kher mai.



ADVERTISEMENT

KC TUI

(10-5)

Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 7005010327 / 9774223462

SP TUI

(6-4)

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047/8730960917

TUI

(5-4)

Tui thianghlim litre 2000 pickup trip kan pe thei e.

Mobile: 8414960761

TUI

(5-4)

Tui thianghlim litre 2000 pickup trip kan pe thei e.

Mobile: 9774395434/ 8794790682

M.S. SEPTIC TANK SERVICE

(6-5)

Septic Tank khat paihfai, commode Block, Pipe Block leh Soakpit hlui leh a thar siam repairing engkim kan thawk reng e.

Rate: Inbiakremna | Ph: 8974361224 | 7005241029

SEPTIC TANK Khat & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 9612376373 | C/o Marina: 9436140530

(5-4)

LD SEPTIC TANK SERVICE

(5-4)

Septic Tank paihfai, commode block, Pipe/ comode fitting, soakpit leh a khur repairing engkim kan khawih thei e.

Regn. MSR 154/2022

Ph: 7640879768 / 9366215935

SAWMA SEPTIC TANK SERVICE

Septic Tank khat paihfai, commode block, pipe fit, soakpit thar siam engkim kan ti thei e.

Rate: Inbiakremna

Ph: 8119969364

ETHAN GO MOBILE

Ramhlun North

(LOAN in rawn la rawh le !!) Xioami android led TV wholesale!! SONY GOOGLE TV. SONY authorised dealer with brand warranty. Redmi, Samsung, Vivo, Oppo Mobiles etc.

9863179654/ 8794521678

PUANTHUI ZIR DUH TAN

Eizawwna tlak a puanthui zir thiam duh tan Admission hawn mek a ni. Admission free.

9856012196

GOVT. MODEL ENGLISH MEDIUM P/S

Ramhlun North

ADMISSION OPEN

Class: KG-I-IV

For Academic Session 2025-2026

Ni 1-4 April, 2025 dar 10:00 am to 12:00 noon chhungin

School-ah admission a tih theih ang